



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Handwritten text in Cyrillic script, possibly a title or description, located in the upper right quadrant.

Handwritten text in Cyrillic script, possibly a date or reference number, located in the middle right area.

835
U-26

30 MAY 2011

ՄԱՆԿԱԿԱՆ ԴՐԱԴԱՐԱՆ

№ 3

Զուլթակահարը.
Արջը և գողը.
Խելօր ձին.



Հնարագետ ազուար.
Կողոպուտած աղջիկ.
Երկու եղբայր.

8—10 տարեկանների համար
(աւելի փոքրերին պատմելու նիւթ.)

Գերմաներէնից փոխադրեց
Ա. ՉԻԼԻՆԿԱՐԵԱՆ

ԱՂԷՔՍԱՆԴՐԱԳՕԼ

Տպարան Գէորգ Ս. Սանոյեանցի

1904

835
5-26

34
1-26

48

ՄԱՆԿԱԿԱՆ ԳՐԱԴԱՐԱՆ

№ 3

8—10 տարեկանների համար
(աւելի փոքրերին պատմելու նիւթ.)

Գերմաներէնից փոխադրեց
Ա. ՉԻԼԻՆԿԱՐԵԱՆ



ԱՂԷՔՍԱՆԴՐԱԳՈՂ

Տպարան Գէորգ Ս. Սանոյեանցի

1904

Ջ Ո Ւ Թ Ա Կ Ա Հ Ա Ր Ը

Բատ մեծ քաղաքում մի ծեր զինուոր
 կար. նա այնչափ թույլ էր, այնչափ ծերա-
 ցած, որ անկարող էր աշխատանք անել,
 իրան կերակրել: Դռնէ դուռ ման գալ ողոր-
 մութիւն ինչպէ՛ս՝ նա անկարող էր և չէր էլ ու-
 գում: Մի օր միտքն ընկաւ, որ փոքր հասա-
 կում հօրից սովորել էր քիչ ջութակ ածել:
 Պատից վեր առաւ փոշոտ գործիքը, մի փոքր
 փորձեց, կրկնութիւն արաւ, ծերուկը շան հետ
 դուրս եկաւ այգի: Այգին շատ մեծ էր և
 ամեն տեսակ մարդկանցով լիքը. ամենքը այն-
 տեղ ուրախ գրօմնում, գլարթ, գոհ սրտով բա-
 ւականութիւն գտնում, կրկին սուն դառնում.
 այսպէս շարունակ ամեն օր կրկնում:
 Ծերուկ զինուորը մի մեծ ծառի տակ ա-
 ռանձին նստած՝ ջութակ էր ածում. շունն էլ

Дозволено цензурою 22 Января 1904 г. г. Тифлисъ.



9- 6187
41

մօտին գլխարկը բռնած՝ կանգնած նայում էր: Անց ու դարձ անող մարդկանցից ոմանք տեսնելով ծերին՝ մեղքանում էին, շան գլխարկի մէջ մի քանի կոպէկ գցում տնցնում էին: Այսպիսով ծերը փող էր հաւաքում, իրան և շանը մի կերպ կերակրում: Մի անգամ ծերը ամբողջ օրը նստեց, ածեց հա ածեց մինչև ուշ գիշեր, բայց նա ոչոքից կոպէկ չստացաւ: Յոգնածութիւնից նա թուլացած էր: Քաղցածութիւնից աչքերը մթնեց, խեղճը չգիտէր, ի՞նչ պիտի անէր. մէկ անի էր քաշում, մէկ հառաշում էր, խոշոր արտասուք նրա աչքերից առատ թափուում էր. քար պէտք է լինէր, որ նրան տեսնէր, չխղճահարէր:

Վերջապէս մի մարդ, մաքուր հագնւած, անցաւ այդտեղով. երբ յանկարծ տեսաւ թըշուառ ծերուկին, ինքն էլ արտասուեց, սաստիկ կարմրեց, մի արծաթ դրամ նրա ձեռքը դրեց, խնդրեց ջութակը. ծերուկը տւեց:

Անցորդ պարոնը սկսեց ածել. բայց ի՛նչպէս ածել: Գործիքը ձեռքում այնպէս էր ածում, նուրբ ձայներ հանում, յանկարծ բարձրանում, քաղցր գեղգեղում, ցածր ձայներով մարդկանց գրաւում, կապում կաշկանդում, որ ամեն մարդ էլ ջութակի ձայնից զմայլած կանգնեց, հիացած լը-

սեց և խումբ խումբ դիմեց դէպի ջութակը, որ ամեն մի ձայն, ամեն մի հնչիւն լսէ կըշտանայ, հոգով ուրախանայ:

Ծերուկ զինւորն էլ ապշած նայում էր և զարմանում էր. մի թէ այդպիսի երկնային ձայներ իր ջութակիցն էր: Նա բերանը բաց դեռ շատ կը կանգնէր, եթէ ածողը նրան չհրաւիրէր գլխարկը մարդկանց մէջը ման ածել: Զուներ գլխարկով մտաւ մարդկանց մէջ, բայց նա չէր անցել բազմութեան կէտը, գլխարկը լցւեց լիքը դրամով. շունը վնգալով հազիւ էր տանում, այնչափ որ ծանր էր: Զուներ մի քանի անգամ ման եկաւ և ամեն անգամ լիքը յետ դարձաւ. տէրն էլ չգիտէր, ո՞րտեղ հաւաքէր այդչափ շատ փողը:

Վերջապէս մարդը ածեց և մի երգ. յանկարծ ամեքն էլ՝ առանց հրաւիրելու՝ ձայնով երգեցին սիրած մարդու երգը: Ածողն հեռացաւ բազմութեան միջից: Այժմ հարցրին, ո՞վ էր ածողը, այդ հրաշագործը: Զատ որոնելով վերջապէս իմացան, որ աշխարհահռչակ ջութակահարն էր և այժմ միայն ծերին օգնելու համար ածել էր:

Բարի ծերուկը հսար շունեցաւ վարպետ ածողին իր երախտիքը յայտնել, գոհանալ.

միայն մինչև մահ օրհնում էր նրան, գովարա-
նում էր նրա համբաւը և բարի սիրտը:

Ա Ր Ջ Ը Ե Ի Գ Ո Ղ Ը

Երկնադէմին գիւղի պանդոկը մտան եր-
կու մարդ մի մեծ արջի հետ: Արջը վարժւած
էր ու լաւ խաղում էր, տիրոջ հրամանը ճիշտ
կատարում էր: Պանդոկի տէրը մի փոքր աւաջ
իր շաղացրած խոզը ծախել էր. նրա գոմում
էլ արջին տեղ տւին, դուռը փակեցին:

Կէս գիշերին մօտ մի շար գոյ եկաւ, ու-
գեց շաղացրած խոզին գողանալ. նա դեռ չգի-
տէր, թէ խոզը ծախւած էր: Չատ դժւար կեր-
պով դուռը կոտրեց, առանց ճրագի գոմի մէջ
մտաւ և սուտիկ փուտիկ ձեռքերը պարզեց, որ
խոզին բռնէ: Յանկարծ շօշափեց նա արջի
թաթը՝ կարծելով խոզն է, շատ ամուր բռնեց:
Արջը բարկացած քնից արթնացաւ և իր հաստ
ուժեղ թաթերով գողին պինդ բռնեց ու այն-
պէս սեղմեց, զլխին հասցրեց, որ գողը ցաւից
էլ չհամբերեց, բարձր բղաւեց, օգնութեան
կանչեց:

Պանդոկի մարդիկը շտապ դուրս թռան,
փազեցին մարդուն, օգնութեան հատան. բայց
ո՞վ կարող էր կատաղի արջի սուր սուր ճան-
կերից նրան ազատել:

Գողի բաղդիցն էր, որ արջի տէրը շուտ
վրայ հասաւ, գողին շատ դժւար արջի ձեռքի-
ցը մի կերպ ազատեց: Արինը հոսում էր նրա
վրայից, հազիւ հազ ոտքի կարող էր կանգնել:

— Չատ լաւ է, տեղն է, ասացին մարդիկ,
գողը այդպիսի պատժի արժան է —:

Պանդոկատետը նրան խիստ պահեց և ա-
ռաւօտեան դատաւորին տուց, որ իր գողու-
թեան պատիժն ստանայ:

Խ Ե Լ Օ Ք Զ Ի Ն

Մի վաճառական ձիով գնում էր. թէև
արևը վաղուց էր մտել, ամբողջ աշխարհը խա-
ւարով պատել, բայց նա դեռ պէտք է անտա-
ռով անցնէր:

Երբ մտաւ անտառ, ձիուց վար իջաւ, որ
ճանապարհը ուղիղ որոշէ և չկորցնէ: Սանձի-
ցը բռնած շտապ գնում էր, որ շուտ տեղ հաս-

նի, վասնզի չպատահի: Մտքի հետ ընկած
այսպէս գնում էր, երբ ձին գլխովը տիրո-
ջը խփեց: Տէրը չհասկացաւ, թէ դա ի՞նչ բան
է կամ ինչի նշան. նա կարծեց, թէ ձին մի բա-
նից խրտնել է, դրա համար էլ իսկոյն յետ դար-
ձաւ, գլուխը շփեց, քաղցր խօսքերով հանգրս-
տացրեց և շարունակեց:

Չատ չգնացին, երբ ձին գլխովը տիրոջը
խփեց. վաճառականը էլ չհամբերեց, յետ դար-
ձաւ, ձիու գլխին պինդ գարկեց: Ձին հանգստա-
ցաւ, բայց դա շատ երկար շարունակեց:

Նա երրորդ անգամ տիրոջը խփեց. այս
անգամ տէրը ձիուն չպատժեց, շուտ գլխի ըն-
կաւ, շորս կողմը նայեց և ի՞նչ նա տեսաւ:
Ձիու փորկապը քանդել ընկել էր. թամբն
էլ չկար. յետևը կապած թանկագին շորերը
ընկել կորել էին:

Վաճառականը իսկոյն յետ դարձաւ, շորե-
րը գտաւ, լաւ կարգի բերեց և ձիուն գովեց:
Նա սաստիկ ցաւեց, որ իզուր տեղը իր խելօք
ձիուն պատժեց, ցաւեցրեց:



Հ Ն Ա Ր Ա Գ Է Տ Ա Գ Ռ Ա Ի Ը

Աման էր, օրը սաստիկ տաք. ամեն կեն-
դանի շագիցը փախած՝ իր բունն էր մտել. այդ
միջոցին էր, որ երկու ագուս մի ամանի մօտ
չարչարում էին, որ նրա միջից մի քիչ ջուր
խամեն, էլ ծարու չզգան: Ամանի մէջ թէև ջուր
չատ կար, բայց նրա բերանը այնչափ երկար
էր, որ ագուսների հասուլիկ վիզը ջրին չէր
հասնի: Չատ շարչարեցին, փորձեր փորձեցին,
ուզեցին ամանը մի կերպ վայր ձգել, որ ջուրը
թափուի, բայց այդ չյաջողեց: Նոյնպէս չյաջող-
ւեց ամանը կտորել: Նրանցից մէկը ուժասպառ
եղած, յուսահատուեցաւ, թողեց հեռացաւ:

Միւս ագուսը թէև յոգնած էր և շատ պա-
պակած, բայց չհեռացաւ. նա շատ մտածեց,
ինքն իրան ասաց. „Եթէ մարդ ուզէ, նա շատ
բան կ'անէ“: Ուրեմն պէտք է նորից մտածել,
նոր փորձեր անել և չվհատուել. այսպէս ասե-
լով, մի փորձ էլ արաւ:

Մեծ համբերութեամբ, կտցովը մէկ մէկ
աւազ հաւաքեց և ամանի մէջ բոլորը լցրեց:

Գէս ժամ շանցաւ, ջուրը բարձրացաւ: Ազ-
ոար ուրախ՝ կուշտ կուշտ ջուր խմեց, ծարա-
ւը կտարեց, թողեց հեռացաւ:

Կ Ո Ղ Ո Պ Տ Ի Ա Ծ Ա Ղ Ջ Ի Կ

Քաղաքից հեռու, անտառի խորքում մի
գիւղ կար շինուած. բնակիչները հագիստ աշ-
խատում, ուրախ կեանք վարում և ամենայն օր
Ստուծուն փառք տալիս ու այդպէս ապրում:
Միևնոյն գիւղում մի շատ բարի մարդ մի
աղջիկ ունէր Աննա անունով:

Աննան զեռ փոքր էր, չորս տարեկան էր.
նա ուրախ, զւարթ, կայտառ աշխոյժ էր. նրա
թշերից կարմիր վարդ կաթում, իսկ խելօք
աչքերը ամենքին գրաւում: Մի օր աղջիկը գիւ-
ղի մօտ նստած՝ հանգիստ խաղում էր. ինչ-
պէս պատահեց, այդ Ստուած գիտէ, նրա մօտ
եկաւ մի շար պառաւ կին: Պառաւը նրան
շատ շատ հաւանեց, զրա համար էլ խորա-
մանկ լեզուով իրան զրաւեց.

Խելօք աղջիկ, ի՞նչ սիրուն ես,
ի՞մ աղջկան շատ նման ես,

Ասա տեսնեմ, ո՞ւմ աղջիկն ես.

Անունդ ի՞նչ է. հայր, մայր ունե՞ս:

Քեզ սիրում եմ որդուս նման,

Գրա համար առ խաղալիք և պատկերներ,
Խաղա այնչափ, որչափ կուզես:

Խաղալիքներին և պատկերներին Աննան հա-
ւանեց, զրա համար էլ բաւական երկար և սի-
րով խաղաց:

„Գեռ զրանք ի՞նչ են, ասաց շար կինը.
եթէ ինձ հետ գաս՝ երթանք մեր տունը, ես
քեզ զրանից շատ լաւերը կըտամ խաղալու և
քեզ կընծայեմ: Գնանք, սիրելիս, շտապենք զը-
նանք, որ այդ ամենը դու շուտ ունենաս“:

Աղջիկը խաբւեց շար կնոջ խօսքից, զրոյց
անելով նրա հետ գնաց, թէ որչա՞փ հեռու,
այդ Ստուած գիտէ. միայն գիւղիցը շատ շատ
հեռացան:

Վերջապէս հասան պառաւի տունը: Աննան
երբ տեսաւ նոր նոր խաղալիք, սիրուն պատ-
կերներ և փոքրիկ գառներ, շատ ուրախացաւ.
Խաղաց հա խաղաց մինչև երեկոյ: Երբ ուզեց
դառնալ իր մայրիկի մօտ, պառաւը նրան էլ
թոյլ չտուեց. „Գու այստեղ կըմնաս, էլ տուն չես
դառնայ. քո տունը այս է, քո մայրը ես եմ և

քո անունը էմմա է լինելու և ոչ թէ Աննա.
հասկացա՞ր հիմայ՝. ասաց պառաւր, դուռը պինդ
փակեց, թողեց հեռացաւ:

Աննան սարսափեց, արտասուք թափեց, գո-
չեց, պաղատեց, բայց ոչ մի օգուտ:

Գիշեր ու ցերեկ միշտ արտասուում էր, մայ-
րիկ կանչելով նա աղերսում էր. բայց ո՞վ էր
լսում, ո՞վ էր իմանում: Փակած սենեակում,
շատ դէս դէն ընկաւ, փախչելու հնար երբէք
չունեցաւ:

Պառաւ չար կինը ոչ թէ շտեց թշուառ
աղջկայ աղի արտասուք, այլ պինդ գոռալով
նրան սաստում էր, փայտով ծեծում էր, որ
հանգիստ մնայ, իր ասածն անէ: Յոգնած բե-
զարած աղջիկը թմրեց և հանգիստ քնեց:

Ահա երազում իրանց տան մէջն է, մայրի-
կի գրկում հանգիստ նստած է. յանկարծ վեր
թռչում, վզին փաթաթում, ճիշ արձակելով
մայրիկին կանչում.— Մայրիկ ջան, մայրիկ,
պաշտպանիր դու ինձ. տես, չար պառաւր
կրկին գալիս է, ինձ տանել կուզէ. օհ, ես չեմ
գնայ, նա ինձ ծեծում է, փակում, բանդարկում—:

Մայրիկը նրան պաշում, փայփայում, փո-
քրիկ Աննայի գլուխը շփում, որ հանգիստ լի-
նի: Աննան շատ ուրախ ժամեր վայելեց մայ-

րիկի գրկում և հանգիստ քնեց. բայց մէկ էլ
յանկարծ սաստիկ վեր թռաւ, քնից արթնա-
ցաւ, մայրիկի տեղը պառաւին տեսաւ իրան
ձայն տալիս: Աննան սարսափեց, սրտի խոր-
քիցը խճճ խճճ ախ քաշեց և առանց ձայնի
նրա հետ գնաց:

Երբ Աննան նոյն օրն էլ տուն չգարձաւ,
նրա հայր ու մայրն անհանգիստ կերպով ամեն
կողմ ընկան, մարդիկ վարձեցին, դրսում ման
եկան. էլ տուն ու մարազ, էլ դաշտ ու ան-
տառ, շատ շատ ման եկան, Աննին չգտան.
յոյսերը կտրած, գլխակոր, տրտում դէպի տուն
գարձան:

Այս դէպքի վրայ անցաւ շորս տարի. մի
անգամ Աննի հայր ու մայրը քաղաք գնացին.
այնտեղ այդ օրում մի մեծ հանդէս կար: Ամ-
բողջ քաղաքը ոտքի էր կանգնել, շատ մեծ
բազմութիւն գիւղերից եկել այդտեղ էր հաւաք-
ւել. ամեն տեսակ խօղեր, լարախաղացներ մարդ-
կանց գրաւել, իրան էր քաշել: Բազմութեան
մեծ մասը կանգնած նայում էր մի փոքրիկ
աղջիկ լարախաղացի: Նա ճարտար կերպով
պարանի վրայ ինչ խաղեր ասես, որ չէր կա-
տարում. շատ թեթեւ կերպով վեր ու վար
ցատկում, ոտքերով կախում, կրկին վեր թռու-

չում, նոր նոր խաղերով մարդկանց գրաւում
և զարմացնում: Երբ նա վար իջաւ բազմութեան
մէջը փող հաւաքելու, ամենքը սիրով
նրան տալիս էր, ճարտար աղջկայ շնորքը
փում, անունը հարցնում:

Աննի մայրիկի սիրտը ճրմւում էր, երբ
նա նայում էր լարախաղացին և ամեն մի անգամ
իր փոքրիկ Աննան առաջն էր գալիս
Երբ լարախաղացը մօտեցաւ նրան որ փող հա
ւաքէ, մայրը սարսափեց, սուր ճիշ արձակեց
և ուշաթափուած գետին փուռեցաւ: Լարախա
ղացն էլ բազմութեան հետը կնոջն օգնեց:

Երբ ուշքի եկաւ, աղջիկս, գոռաց և պինդ
փաթաթեց լարախաղացին ու էլ շթողեց. նա
միշտ գոռում էր, իր կրծքին սեղմում և Աննա
կանչում:

Լարախաղաց էմման էլ ցնցեց, մայրիկին
յիշեց և մութ ու խաւար բաւական բաներ նրա
մէջ կրկնեց:

Մարդիկ հարցրին զրա պատճառը. նրանք
զարմացան, սաստիկ բարկացան, երբ նրա մայ
րը աղջկայ վրի կարմիր քարերով ոսկէ խաչ
նրանց ցոյց տուց. Աննի անունն էլ վրան էր
գրւած: Մայրը ցոյց տուց աղջկայ գլխի վեր
քի նշանը, որ փոքր հասակում քարին ընկնե

լով առաջ էր եկել:

Բանը հասաւ դատի: Աննի հայր ու մայրը
փաստով ցոյց տուին, որ իրանց աղջիկը շորս
տարի առաջ անհետացել է, այժմ գտնուել:

Աննին փախցնող շար պառաւ կինը և նրա
ուրիշ ընկերներ, խիստ պատիժ կերան
իրանց շարագործ յանցանքի համար:

Աննի հայրն ու մայրը ուրախութիւնից
սաստիկ լաց եղան, որ իրանց որդուն վեր
ջապէս գտան: Աննան էլ յիշեց գլխին եկածը
և ուրախացաւ, որ այդ տանջանքից շուտով
ազատուց:

Ե Ր Կ Ո Ւ Ե Ղ Բ Ա Յ Ր

Երբ չկար, երկու եղբայր կար. նրանցից մէկն
ամուսնացած էր, որդիներ ունէր. միւս եղբայրը ոչ մի
ան չունէր, մենակ ապրում էր. երկու եղբայրը. հօրից
առանգութիւն մի արտ ստացան, որ մէկ տեղ ցանեն,
մէկ տեղ աշխատեն, հաւասար բաժնեն:

Առաջի տարին ցօրեն ցանեցին, քաղելուց յետոյ
սրձեր կապեցին, հաւասար երկու դէգեր շինեցին ու
բաշտում թողին:

Ամուրի եղբայրը, գիշերն ինքն իրան այսպէս մտա
նց. «Ես մենակ եմ, իսկ իմ եղբայրը շատ որդի ունի.
Ինչքան արդար է, որ ես էլ հաւասար բաժին ստանամ.

չէ, դա ուղիղ չէ, եղբայրս անշուշտ շատ պիտի ստանայ. ուրեմն գնամ դէպի մեր արտը, իմ դէզից նրա դէզի վրայ դնեմ, որ արդար լինի. եղբայրս այս բանը գժուար թէ իմանայ»: Ինչպէս մտածեց այնպէս էլ արեց. Միևնոյն գիշերը միւս եղբայրը կնոջն ասեց. «Այ կին, մենք իրար միշտ օգնում ենք, մեր որդիները մեզ ուրախացնում, մխիթարում են, իսկ խեղճ եղբայրս դեռ շատ ջահել է և ոչինչ չսւնի, որ մխիթարւի միթէ դա կեանք է. անարդար գործ է, որ մենք ցորենը հաւասար բաժնեցինք: Վեր կենամ գնամ, մեր դէզից խուրձեր՝ նրա դէզին դնեմ. նա այդ չի իմանայ, ես ուրախ կըլինեմ, որ իմ եղբայրը աւել ստանայ»: Ինչպէս որ ասաց, այնպէս էլ արաւ:

Միւս առաւօտ, երկու եղբայր զարմացած մնացին. երկուսի դէզն էլ առաջւայ չափ էր. շատ մտածեցին, պատճառը չգտան. երկու եղբայրն էլ երկրորդ և երրորդ գիշերները նոյն բանը արին և ցերեկները նորից զարմացան. Ամեն մէկն էլ ուզեց գաղտնիքը մի կերպ իմանալ. այդ պատճառով էլ չորրորդ գիշերը՝ նրանք վճռեցին մի տեղ թագ կենալ, որ տեսնեն ո՞վ է այդպէս անողը:

Այսպէս մտածած, երկու եղբայրն էլ միաժամանակ դէզերին մօտեցան. իւրաքանչիւրը մի խուրձ վերցրեց, որ տանի եղբօր դէզին աւելացնէ և յանկարծ խրձերը ձեռքերին իրար դէմ դիպան. գաղտնիքը բացւեց:

Մարդիկ լսեցին սիրող եղբայրների բարեսրտութիւնը. նրանց գովեցին, շատ շատ սիրեցին և որպէս յիշատակ՝ դէզերի տեղը տաճար շինեցին, սէր ու բարութիւն գովաբանեցին:



4

ԼՈՅՍ ԵՆ ՏԵՍԵԼ

Ա. Զիլինկարեան. Մանուկների ստախօսութիւն
 և նրա առաջն ասնելու միջոցներ. 1
 « Մանկական գրադարան № 1 . . .
 « « « № 2 . . .
 « « « № 3 . . .

Ա. Զիլինկարեանի և Տ. Ռաշմանեանի կազմած և
 գիտական — ժողովրդական գրադարանից հրատարակել

- 1) Կենդանիների բնագրն ու հասկացողութիւն
 (սպառւած)
- 2) Ընտանի կենդանիներ (սպառւած)
- 3) Մեզուներ
- 4) Ոյժեր (սպառւած)
- 5) Մազնիսականութիւն (սպառւած)
- 6) Էլեքտրականութիւն

Գ Ի Ն Ն Է 5 Կ Ո Պ.

Գիմեր՝ Александрополь, Типография К. Саноянца, Կամ
 Эривань, учителю Ар. Чилинкарянцъ.

ՀՀ Ազգային գրադարան



NL0387259

1412